



Tuhaayakhaq

Nunavut Kavaman Ikayuutigiyaat nattiqhiuknir talvani Kanatam Maligaliuqyualiqivingmi Hanaqitjutikhanga

IQALUIT, Nunavut (Itjirurvia 2mi, 2012mi) Ublumi talvani Kanatam Maligaliuqyualiqivingmi, Maligaliuqtiuyut Kanatam Maligaliuqyualiqivingmi Kanatami Maligaliyangnik Qauyihagait aituqtauvaktuq aituutimik hanahimayuuq Nunavunmi nattinik amiinik kakitautinik atugiangat ikayuutigiyaangit nattiqhiuliqinikkut hanatjutikhaqnik. Una hanaqitjutikhaq aulavaqatigivaktait Aqhaliat Hanavingnik Qunngiaktitiuyunik, taima aulavaktun talvani Ottawa Katimaqyuayukhanik Katimaviani.

“Nunavut Kavaman akhuqlutik ikayutiginiaqtun talvuuna nattiqhiuqnirmut hanavikyuanut,” uqallaktuq Nangariyauyuq James Arreak, Ministauyuq Avatiliqiyikkutni, taima talvaniituuq aituiniaqtuq kakitauyangnik. “Nattiqhiuqnir Nunavunmi munagitjutikhaqtaqtuq ikayuutigivakhunilu; taimattiaq, nakuutqianik piqangitunghakuuq taututjutikhaqnik talvuuna ikayuutikhaqnik hanaqitjutikhaqnik atugtaunginaqtun ilaqatigiinir talvuuna inungnut natinitlu, taima aulahimaanginaqtun tausunik ukiunganik. Inuugaingit tamaita nattiit huraatjangit aulayut Nunavunmi imaqtutitani inuutjagiktun amigaitunlu.”

Nunavut Kavaman hanahimaqtun havaaqhaqnik niuvaiyangat nattiit amiqnik talvanga Nunavunmi nattiqhiuliqiyunin. Amiit niuvaivaavaktun nunaqyuaptigini nunaqyuamlu tamaini niuviqtukhanik. Amigaikyumilikat tapkuat nattiinik niuvirumangitun nunangani Iyarapmi Katimaviini Ulashamilu ayuknautigilikat nattiqhiuliqiyut havakviingit, kihimi inuuhingit inupta Ukiuktaquniitun nunaqtaqtun nunalaaniitun.

“Nunavut Kavaman quviahukhulik aituiyaangat nattingit kakiyautingit, hanahimayut Nunavunmi hanatjagiktunik,” uqallaktuq Minista Arreak. “Quviahuktugut taima Kanatam Kavamangit akhuuqhulik nangiyut ikayugumaplugit nattiqhiuliqiyunut taima aulahimaqtuq akhuunaqtuqlu pitquhinut, maniliuknikkut, inuuhimaagiangat hanaqitjutikhaq Nunavunmi allatlu hiniraqniitun aviktauninganiitun tunnungani kivataaniitunlu Kanatami.”

Nattiit anguyayut Nunavunmi Nunavunmiutanin tunihimaqtun nunalaanut nuutaamik niqikharnik, nirinaqtunikuq niqinik, taima una akituvalaqtun pilimaitunluunniit humiliqaak. Himiqtutaa nattiit niqautaingit taima niqikhautikhait Nunavunmi nallautikhimayuuq akikhainga avatquniaqtun 5 milian talaamik ukiuk tamaani. Nattiit amiingit atuguminaqtun uvuuna inuuhimagiangat anguniaqpaqtun. Niuvrutigiyaavaktun akikhilaagutiyaangat akikhaingit niqiliqiyangat hanaqitjutikhait taimalu akituvalaqtuqlu inuuhimaagiangat tunnungani.

###

Naunaiqyumirumaguvit naunairutingnik hivayaqlugu:

Jacque Pepper
Atanguyaq Tuhaqtitiunut, Ilinniaqtuliqiyikkut, Avatingniituliqiyiilu
Havakviat Avatiliqiyikkut
867-975-7721
jpepper@gov.nu.ca

ᐱᓄᓕᓕᓕᓕᓕ ᓂᓕᓕᓕᓕᓕᓕᓕᓕᓕᓕᓕ ᐱᓕᓕᓕᓕᓕᓕᓕᓕᓕᓕᓕ ᓂᓕᓕᓕᓕᓕᓕᓕᓕᓕᓕᓕ, ᓕᓕᓕᓕᓕᓕᓕᓕᓕᓕᓕᓕ, ᓂᓕᓕᓕᓕᓕᓕᓕᓕᓕᓕᓕᓕᓕ ᓂᓕᓕᓕᓕᓕᓕᓕᓕᓕᓕᓕᓕᓕ, www.gov.nu.ca.

News releases are available in Inuktitut, English, Inuinnaqtun and French on www.gov.nu.ca.

Tuhaqtaghat ittut Inuktitut, Qablunaatit, Inuinnaqtun Uviititullu talvani www.gov.nu.ca.

Les communiqués de presse sont disponibles en inuktitut, en anglais, en inuinnaqtun et en français à : www.gov.nu.ca.